

Feria Multicultural 2006 éxitoso y yen di ambiente

Aruba a goza di su prome evento na cual diferente comunidad

STA. CRUZ-- Aruba a sa di demostra un biaha mas cu e tin un delantera riba tereno di cultura den nos region. Hopi pais na mundo, hasta esunnan di mas rico y poderoso, por ehempel ainda ta lucha pa co-existencia pacifico y cu harmonia di diferente cultura y origen. Diasabra ultimo, na e prome Feria Multicultural, iniciativa di Minister Ramon Lee su Ministerio di Cultura, Aruba a muestra mundo henter con na Aruba tur grupo etnico por biba "man den man" cu otro riba nos pida baranca. Feria Multicultural cu a tuma lugar diasabra anochi, 21 di Oktober 2006, riba Plaza Betico Croes tabata un éxito rotundo, bon acudi y cu a vibra cu energia positivo. Manera ya conoci, tabata tin 16 colonia di diferente pais residente aki na Aruba cu a participa na e prome Feria Multicultural, cu

oficialmente un Minister encarga cu cultura a yega di organiza aki na Aruba. Nunca antes a duna cultura y e diversidad cultural na Aruba e atención cu e merece. diasabra anochi, e diferente razanan cu nos tin aki na Aruba y e diferente nacionalidadnan a bini hunto pa riba un forma cultural y artistico muestra otro kico ta e herencia cultural di nan pais natal.

Esaki ta un iniciativa nobo cu Ministerio di Labor, Cultura y Deporte a tuma e aña aki pa celebra e clausura di e celebracion di 30 aña statuut y 20 aña Status di Oktober 2006, riba Plaza Betico Croes tabata un éxito rotundo, bon acudi y cu a vibra cu energia positivo. Manera ya conoci, tabata tin 16 colonia di diferente pais residente aki na Aruba cu a participa na e prome Feria Multicultural, cu

hunto pa celebra nan cultura hunto cu esun di Aruba. E hermandad cu tabata tin diasabra nochi riba Plaza Betico Croes tabata un cu por fungi como ehempel pa hopi pais caminda awendia tin guera entre e diferente gruponan etnico. Aruba ta un di e tiki paisnan den mundo caminda un hudu por biba banda di un persona

di otro religion sin ningun problema. E iniciativa aki sin duda algun ta un evento cu mester sigui celebra anualmente. Tabata un placer pa mira con e representantenan procedente for di diferente pais a haci tur nan posibel pa duna un presentacion lo mihor posibel, pa asina e pueblo di Aruba por a cera

conoci cu nan expresionnan cultural y artistico. Un felicitacion ta bay na e comision organizador, cu a haya nan mes confronta cu hopi contra-tiempo, pero cu perseverancia a logra surpasa tur obstaculo pa por a realiza e evento aki. Por cierto, e cantica "Man den man" di e grupo di canto "Pierewietje", bao guia di Maybeline



Arends-Croes, tabata un escogencia fantastico pa e evento aki. Tabata manera cu e cantica ta skirbi pa e evento aki. Tanto pa esnan presente diasabra anochi riba Plaza Betico Croes, como esnan cu a mira e evento na television, no por a evita di sinti un emocion grandi, ora cu grupo Pierewietje a canta e cantica "Man den man" y mira con dos representante di cada pais, hunto cu nos Minister di Culura, sr. Ramon Lee a subi escenario, tene man di otro y canta e cantica "man den man" hunto cu e muchanan di Pierewietje. Tur hende

por a mira na television, via canal 5, caminda Star Vision a transmiti e evento aki, con un grupo grandi di hende, incluyendo e consul di Venezuela, tabata canta na voz halto, hunto cu e diferente gruponan cu a duna un presentacion. Tambe mester elogia e forma espontaneo con Edjean Semeleer a integra den e evento presentando algun cancion di su CD nobo, pero cu alavez tabata cancionnan cu tabata bon escogi pa e evento aki. Asina e cantica di promocion di Edjean "Ban uni den paranda" tambe

tabata manera un cancion skirbi pa e evento aki. For di awor caba nos ta haci un peticion na tur colonia cu no a alcanza pa por ta presente na e prome Feria Multicultural di Aruba, pa for di awor caba nan cuminsa prepara pa otro aña, rond di Dia de la raza (12 Oktober) na cual lo celebra atrobe e union y paz di nos nacion. Asina mas y mas nos por sinti aki na Aruba e respet, tolerancia y comprension cu tur habitante na Aruba tin pa otro.

